



Inatsisartunut ilaasortaq Jens Immanuelson, Siumut
/ Maani

§ 37 naapertorlugu apeqquteqaammut nr. 022-2013-imut Tugtulisuuq avannaani tuttoqarneq pillugu akissut.

Inatsisartut suleriaasianni § 37 naapertorlugu Tugtulisuuq avannaani tuttoqarneq pillugu Naalakkersuisunut apeqquteqarputit. Apeqqut uannit akineqartussanngorlugu inner-sussutigineqarpoq.

Naalakkersuisunut apeqqut:

1a) Qimusseriarsuarmi Tugtulisuuq avannaani Koorornarsuarmi tuttoqarneranik ilisimasaqartoqarpa? b) Tamatumunngalu atatillungu misissuinissamik pilersaaruteqartoqarpa? c) Misissuinissamik pilersaaruteqartoqarpat tamanna qaqungu naatsor-suutigineqarsinnaava?

1a-mut) Kalaallit Nunaanni Pinngortitaleriffik (KNP) Kullorsuup avannaani tuttoqarneranik siullermeersumik 2008-mi ilisimatinneqarpoq. Taamanikkut tuttu katillugit aqqanillit Tugtulisuuarmi takuneqarsimallutik. Taassuma kingorna KNP aasakkut/ukiakkut 2009-mi nunaminertami tassani tuttoqarneranik ilisimatinneqaqqilluni, tuttu ataatsimoortut amerlanngitsukkuutaat Koorornarsuarmi arlaleriarlugit takuneqartarsimallutik.

Januarimi 2010-mi sulisut KNP-meersut allanik suliaqarlutik Nuussuarmiippat tassani assinik tuttulinnik takutitsiffigineqarlutik oqaluttuarineqarlunilu sumi, qanga kiisalu qanoq tuttu takuneqarsimanersut. Tuttu amerlanngitsukkuutaat arlaleriarlutik imminnut attuummassuteqanngitsumik takuneqartarsimapput, norrallit aamma takuneqartarsimallutik, KNP-llu paasisinnaasai malillugit tuttu katillugit annerpaamik arfineq-pingasut takuneqarsimallutik. KNP nassuiaanneqarpoq Tugtulisuuarmi tuttu aqputaanik ersarissunik arlalinnik peqartoq allaniilu aamma tuttu tumeqarluni. Tuttu aqputaat arlaqartut pillugit "tutorpassuaqarneranik" nunaminertamiinnikunik isumaqartoqarpoq.

Tuttu tumaat, soorlu aqputaat, nunami sivisuumik takuneqarsinnaasarput isumaqartariaqanngilarlu massakkut tutorpassuaqartoq; tumit amerlagaluarlutik ersarillutillu. Koorornarsuup nunataa 100 km²-it missiliorlugit annertussuseqarpoq Tuttulissuullu nunataa 68 km²-it missiliorlugit annertussuseqarluni. Pissutsit ajunngitsillugit tuttu 170-it tassani sivisuumik uumasinnaapput (Kalaallit Nunaata sinnerani tuttu nerisassaannut atatillugu tunngavioq tunngavigalugu). Tamannali mianersortumik paasineqassaaq tuttu nerisassaallu misissorneqarnikuunngimmata.

KNP-ni sulisut 2010-mi 2012-imilu qulimiguullit atorlugit Melvillep Kangerluani nannunik misissuinikuupput. Tassani Tugtulisuuq Koorornarsuarlu aqqusaarneqarlutik tuttu aamma tuttu tumaannik takusoqarsimanani. Tamanna isumaqartariaqanngilaq nunaminertami tuttoqanngitsaq kisianni nunaminertami marlunni taakkunani tutorpassuaqarpassinngitsaq. Tuttoqarsimasuuppat tumaat takuneqartarsimassagaluarput.

1b+c-mut) Tuttoqatigiit pineqartut immikkut misissuiffigissallugit KNP pilersaaruteqanngilaq, taamaattorli piffiup eqqaani allanik misissuinissamut pilersaarutaasunut tunngatillugu ukioq manna aappaagulu alapernaarsuisinnaalluni.

Inussiarnersumik inuulluaqqusillunga

Karl Lyberth

23. april 2013
Sagsnr. 2013-082809
Dok. Nr. 1195119

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl